

۱۳۲. ◻◻)◻ ۶ ~~~~~

اتبعون اهدكم سبيل الرشاد

صاحب و مدیر مسئول : ع . اشرف ادیب

جلد ۲ - ۹

۴ تشرین اول ۱۳۲۸

خجندیه

177.

٧ ذى القعدة

210-22 sc

سزه او قدر چوق یازمق ، او قدر چوق آکلامق ایسته یورم که بوعشق  
تبلیغی نه یازسم تسکین ایدمه میه جکم کی کلیور ؛ شو ایکی ترکیب ،  
سزه بوتون مسلمانلغک ، عثمانلیلغک تر جان فؤادی اولایلیر :  
یا کلمه شهادت ، یا کلمه بقا .

اوسکوب : ع . ن .

## شیرین

بالقائل محاربه سی :

۲۷ ایلول ، یخسنبه :

کیمسه نك انتظار ایتدیکی برکستاخلقله بالقان حکومتجکیرنه اوك آياق  
اولان قره طاغك اعلان حرب ایدمه جکیرنی امید ایتیش ، آرتق طاتلی طاتلی بر  
یونانستانده اعلان حرب ایدمه جکیرنی امید ایتیش ، آرتق طاتلی طاتلی بر  
جهاد وقوع بولاجغنی عثمانلی کوسکیرنی قاربانتان برحس قبل الوقوع مظفریتله  
انتظار ایلشدی . فقط بوکون قره طاغك اعلان حربندن ایکی کون کچدیکی  
حاله بلغاردن ملغاردن خبر یوق . بوعدم وضوح حرب ایچون چیرپینان  
یورککری پک چوق صیقیور ، سیالر هپ بوتضیق درونی کوستریور .  
قره طاغ حدودندن کلن خبرلر دشمنک عدم موقیقتی بیلدیریور . فقط  
عثمانلیرک اصل ایسته دکری بلغار محاربه سیدر ، که بردرلو اعلان اولنیور .  
آقشام اوزری ، انکلتزه ، آلمانیا وروسیه سفیرلرینک فرانسز سفارتخا  
نه سنده طولاندقلری ، احوال حاضره خصوصنده مهم برمذا کرده بولندقلری  
خبری شایع اولیور . بو ، اذهانی دها زیاده برانتظاره معروض قیلیور .  
عجبا دول معظمه نه یوله برقرار اتحاد ایدمه جک ، نه کی برتکلیفده  
بولنه جقلر ، دیه هرکس بکلور . کچ وقت عثمانلی آژانسی ، آقشام ساعت  
آلتی به دوغرو مجلس وکلانهایت بولدی برصراده ، آوستریا سفارتی باش  
ترجانه نك باب عالی به کلارک بش دولت سفراسی نامه سفرائك الك قدملیسی  
اولان ( مارکی پاللاوینچینی ) طرفندن بر نوطه ویردیکنی تبلیغ ایدیور .  
( بنوطه قسم مخصوصمزدده مندرجدر )

بوکون باب عالی قارشیشنده یاپیلان دارالفنون نمایشنه اشتراك ونمایش  
مذکوری ترتیب وتشویق ایتیش اولدقلری تهمتیه بر قاچ کیشی ، از جمله طین  
محررلرندن ایکی کیشی تحت توقیفه آلتیور .

۲۸ ایلول ، جمعه :

بوکون غزته لر هپ دول معظمه نك مسئله به مداخله ایتك آرزوسیه  
باب عالی به ویرمش اولدقلری مشترک نوطه دن بحث ایدیورلر . طنین شدید بر  
لسان عتابله مداخله نك علیه یازیور ، ۲۳ نجی ماده نك دیرینه سندن قورقیور ؛  
« یارین ۶۱ نجی ماده نك ده بو ماده بی تعقیب ایتیه جکنه وعینی حق مداخله  
نك آناتولی شرقی حقنده ده درمیان ایدلیه جکنه عجبا بزى کم تأمین  
ایده جکدر ؟ » دیه اندیشه ایدیور . دیگر غزته لرده دولتلرک امور داخلیه مزه  
مداخله به حقلری اولمادیغنی بیان و باب عالی نك کندی وظیفه سنی حسن ایفا  
ایده جکنی ، هر درلو اجنبی قوترونک رد اولوناجغنی امید ایدیورلر . هرکس  
مضطربانه باب عالی نك ویره جکی جوابی بکلور ؛ بلغارستانله کال تهالکله  
انتظار اولونان حربك اعلان ایدیلوب ایدلیه جکی ده باب عالی نك ویره جکی  
جوابه باغلی . بوکون جمعه اولسی مناسبتیه باب عالی دواثری تعطیل  
اولدیغندن جواب ویریله یور . فقط برآن تعطیل اوغرامیان بر فعالیت  
وارسه ، اوده سوقیات عسکریه . هر طرفدن آقین آقین عسکرلر ، کوکلی لر  
کیدیور . سرکه چی استاسیونی برمشهر حیت تشکیل ایدیور . « پادشاهم  
چوق یشا .. » ادعیه خالصانه سیله هم آواز اوله رق اردو عازم سمت جهاد

ایسته ی ، یوره کنك فوران شکرانی تثبیت ایتك املنه منقاد اولان هیجانکار  
برمطالی صفتیه سویله جکرم ، دیکلته جکرم وار :

جمعه کونی نمازدن اول بوتون دکانلر قابانمش ، یاشامق ایچون اولمشدی .  
سلطان مراد جامع شریفی ، لبالب جماعته طولمشدی . حولی ده تاریخی سنجاقلر  
احضار ایدیورلر . نمازی متعاقب ، بوراده مجتمعه وحدتک لزومی تبلیغ  
اولوندی ، قبلره لاهوتی بر دعا ایله باران سکینت یاغدیورلر . کوکلر ،  
منقاد خضوع اولارق درحال الله ، الله ، الله ... ندالریله سنجاقلره وضعیت  
عمودیه ویرلر و بوندن صوکر حرکت باشلادی ، آرتق جامع شریفدن  
اقتباس نور وقوت ایدن جمعت ، ایلره دیکه قاربانیور ، بوتون سوقاقلر برسیل  
غلیان وهیجان ایچنده یوزیورلر ، تکبیر صدالری ، خدادن استعطاق عون  
و هدایت ایدره رک هوانک آغوش تسلمنده انفلاق ایدیور ، کورله یوردی .  
بو متحرک عظمت و احتشام ؛ تلغرافخانه نك اوکنده توقف ایدی ، بوتون  
ولایاته ، قوصوه ملحقاته کشیده ایدلک اوزره یازیلان تلغرافنامه ،  
زی علماده بر ذات محترم طرفندن اوقوندی و برطوفان تصویب ایچنده اجنحه  
برقه تودیع اولوندی ؛ بن ، بوراده سویله ن سوزلرک ، تبارز ایدن عواطف  
اصیله نك حضور فیض وقدرسیتمده افکار وحسیاتک طلاقت هیجانه هویت  
معنویه می بوتون بوتون ترک ایتیش ، برآن ، برآن مسعدت ، خایر اولمادی ،  
افاده ایدمه دم ، نا قابل تعریف برآن یاشامغه باشلامدم . قولای قولای  
آغلایم ، بوتون هیجانلرم ، تکائف ایدرقالیر ؛ آه بوسفرده بویه اولاجقدی ،  
ایچین ایچین امن واطمینان یاشلری دوکه جکدم ؛ ایکی آژانود ، ایکی اختیار  
قهرمان ؛ کوز یاشلری ، جاذبه صفوت و مراد انکیسیله یرندن چکدی قوپاردی :  
آرتق آغلایور ، سینه سینه ، کوله کوله آغلایوردم !

بورادن دائرة عسکریه کچیلدی ، خلقک تشکی جهادی مشیر ابراهیم  
پاشا حضرتلرینه تبلیغ اولوندی ؛ محترم پاشا ، رشاشه بیاتلریله حرارت حسیاتی  
تسکین ایتدیور . صوکر حکومت قوناغنه توجه ایدلر ، قبلرک صمیمیت  
میلانی اورایده تودیع اولوندی .

آرتق قافله ، چارشی یوانی طومش ، کوپرویه طایانمشدی ؛ ده میر  
کوپرودن کچمک مقررلر . اضواء هیجان هر طرفه سرپله جک ، صوکر  
استاسیونه کیدیلرک قهرمان اسکوب ردیفلری تشییع اولوناجقدی ؛ فقط  
بوندن اول برشی یاپیلاجقدی : دشمن قونسولوسخانه لرینی ، اولموت ... لر  
آواز تحقیر و تزییف ایقامق ، بوغونجه به قدر صولامق لازمدی ، اوده اولدی .  
بن ، قافله دن اول استاسیونه یتشمشدم ؛ قهرمان عسکرلرمنی کومه  
کومه طولانمش ، سلاخلرینه یاصلانمش بولدم ، بو کتله نجات آراسنده  
طولاشمق ، بنی او قدر تعید ایدیور دیکه .... سیالر ، بهیج و پر امید ،  
شاطر و منتقم . هر نفر ، بر مجسم « قوه معنویه » . بنیه لرک تکامل لونده سیله ،  
معنویتک اعظمت دلیرانه سی او قدر پارلاق بر شعله فوز و ظفر و عدا ایدیور که ...  
توفیق حق ده دائما بو امتزاج عادلک ظهیری دکلی در ؟

عسکر ؛ قانیه صیغامیور ، او قدر تشنه حربدر ، او قدر نکهبان  
جدالدر ؛ یالکنز عسکری یا ؟ سز وظیفه عسکریه سی اولمایان خلفده کی نشوة  
جهادی ، چالاکی همتی بر کورسه کز ... ساده بوکون ۱۸۰۰ کوکلی  
یازلینی ایشیدلر . یارب ! بوتون بو موحد و متحد قبلرک سن معنی ساک !  
خلق ، استاسیونده عسکره بوتون شوقی ، بوتون نشوه سنی ، بوتون  
عواطف علوجانجی ، حیتنی دوکدی ... عسکر ؛ بوتون بو تظاهرات سامیه  
حیت ایله محفوف اولارق وظیفه باشنه شتاب ایدیور :

آرش یکیتلر ، وطن امدادینه !

تکرار ایتمکدن او قدر حظطویورم که : خلق ، ملت ؛ نشوة جهاددر .  
هله بولغارلره قارشی اویله بر غیظ منتقم وار که همان هرکس بو وجدانی غلیانی  
تسکین ایچون اورایه قوشمق ، اوراده اولدورمک ایسته یور !

شمالی آژانود لقه ده ۱۵ دن ۷۵ یاشنه قدر قهرمان عثمانلیلغک بر حیت  
مسلحه کسیره رک حدوده شتابه حاضر لاندیغنی دون عثمانلی آژانسی ، تبلیغ  
ایندی : یاشاسین قوجه عثمانلی آژانودلر ، صاف یوره کلی قهرمان مسلمانلر ...

اولیور، حیتلی اهالی دخی سوکیلی اردوسنی صمیمی آفشلر ودعالمه تشییع ایدیور .

### ۲۹ ایلول، محمد ابرنسی :

قاینه بوکون ده دولتره ویرله جک جوابک مذاکره سیله توغل ایدیور . عجباً بلغارستانه حرب اوله جقمی ، اولیه جقمی ؟ دیه اذهان عمومی حالاً ترردن قورتوله مایور . فقط بوکون قسم مخصوصم زده عیناً درج اولنان بیاننامه هایون دولتیله نك حقوق حکمداریسنی مدافعه ایتک اوزره مهیای حرب اولدیغنی بوتون متانیله کوستریور . اهالی سوکیلی خلیفه لریله هم آواز اوله رق شانلی عسکرلرینک ، اسلام مجاهدلرینک مظفرتی ایچون دعالمه ایدیورلر . بلغار وحشتنه اوغرایان زواللی بلغارستانده ساکن اسلام قرداشلرمزدن یو یوک برقافله مظلومین بوکون استانبوله وارد اولویور .

### ۳۰ ایلول، بازار :

افکار عمومی هیجانله بکله یور : عجباً حکومت دول معظمه یه نه جواب ویره جک؟ مجلس وکلا بوکون ساعت اوچده صدراعظم پاشانک تحت ریاستنده اجتماع ایدیور . بوجلسده ویرله جک جوابک اساسی قرارلشدیریلدیغنی روایت اولونیور . آلمانیا سفیری باب عالی یه کلیور ، خارجییه ناظریله بو مسئله خصوصنده کوریشیور . آوستریانک عسکری بر طاقم حاضرلقلری خبرلری کلیور . آتنه ، بلغراد ، صوفیه عثمانی سفارت مأمورلرینک عودت خرجراهلرینک تسویه سی ایچون اواصر لازمه اعطا قلییور . محاربه علائمی تزیاید ایدیور . بشایان قیددرکه محاربه علائمی تزیاید ایتدیکه اهالینک شوق آرتیور ، پرامید کسلییور . بالقان شہاریقفلرینک کتاخلغنک عثمانی قهرمانلری ایچون محاربه یی بر احتیاج طبیعی حاله قویدیغنی آشکار اولیور . اداره عرفیه نمایشلره مساعده ایتیه یور ایسه ده ، جهاده قوشان عسکرلرک شریقلری ، کولکلیلرک بر شطارت وهیجان سوقاقلردن آقین ایتلری عادتاً پاتختی نمایشلر قدر پر حیات و غلیان کوستریور .

بوکون محاربه مصارفاتی اوله رق آلتی میلیون لیرا قره دی تأسیسی ایچون لایحه قانونیه نك تنظیمی تحت قراره آلتیور .

### ۱ نسرین اول، بازار ابرنسی :

بوکون وجدانلره بر کتابیش کلیور . افق سیاست توضیح ایدیور . باب عالی جوانی ویریور ، دولترک آرزوی مداخله سنی رد ایدیور . بر طرفدن ده حربیه نظارتندن رسمی اوله رق قره طاغ حدودندن ایلک خبر مظفریت بر وجه آتی مطبوعاته تبلیغ اولونیور :

« برانه ده کی مصادمات حالادوام ایدیور . غوسینه ، پلاوا استقامتلرنده ایلریله مک ایستین قره طاغیلیر ، اوراده کی عسکرک شدتلی مقاومتنه اوغرا - مشلردر . شالیدن آقروا اوزرینه ایلریله یین ارکان حرب بیکباشی ممتاز بک قوماندانسنده کی مفرزه ، قره طاغیلیرله بیوک ضایعات ویردیرمشد . اینک وروغوا مستحفظ افرادی برانه وغوسینه یه یتشمشلردر . غوسینه ده کی مصا - دمات موققیته دوام ایدیور . برانه یه مرتب قوای موظفنه نك صوک اقسامی یتشمک اوزره در . قره طاغیلیرک طوزاستقامتنده ایلریله یین قسم کلیدی طوزده کی مفرزه نك شدت مقاومتنه اوغرامشدر . بوراده بک قانلی مصادمات وقوعه کلش ، عساکر شاهانه نك کوستردکبری شجاعت بیوک تقدیرلره شایان کورولمشدر . صوک آلتان خبرلره نظراً طوزده مصادمات حالا دوام ایدیور . طاغیلیرک کول ایلله دکر آره سنده ایلریله یین قوتلری طرانیه جهتنده کی مفرزه من طرفندن دفع ایدلشد . »

خصوصی خبرلر دخی قره طاغیلیرک ۱۲۰ مقتول و ۴۰۰ مجروح ویردکلرینی تأمین ایدیور .

استخبارات قلمی بر قاچ کون اول ایتالیا ایلله جریان ایلکده بولونان صلح مذاکراتنک منقطع اولدیغنه دائر نشریاتی تکذیب ایدیور !

زوالی ساعت بر بچقده ذات شوکتسمت حضرت پادشاهی حربیه نظارتی تشریف ونظارت میداننده کی قرارگاه عمومی زیارت بویور یورلر . عساکر

شاهانه ایلله تورک ، آرنائود ، چرکس وسائر عناصردن تشکل ایدن کولکی طابورلری ، عثمانی اردوسنک قوماندان اعظمی قارشوسنده کچید رسمی اجرا ایدیور و خلیفه حضرتلرینک مظهر تلطیف والتفاتلری اولیورلر . موکب هایون باب عالی ، دیوان یولی جاده لرندن کچدیکی صرهدده بتون اهالی صف بسته احترام اوله رق بویوک خلیفه لرینی القیشلایورلر ، مظهر التفات شهریار ی اولیورلر . قرارگاهدن دوترکن ذات شاهانه استاسیونی تشریف ایدیور ، محاربه یه کیدن عسکرلری بالذات تشییع بیوریور . عسکر « پادشاهم چوق یشا ! » باغیر یورلر ...

آقشام اوزری وضعیت ده ازیاده کسب وضوح ایدیور . هر کسده برسوینچ دیویلیور . بلغارستان سفیرینک باب عالی یه برنوطه ویره رک « ما کیدونیایه مختاریت ویرلینجه بالقان دولترینک محاربه یه مجبور قاله جقلری » یولنده بر تبلیغاتده بولوندیغنی شیوع بولیور . « یکی غزته » قاپوسنده آسیلان اشبو معلوماتی پرتها لک اوقویه رق دفترلرینه قید ایدنلر « هابویه ... » دیه یوللرینه دوام ایدیور و اطوارلرندن وظیفه باشنه قوشدقلری اکلشیلیر . آقشام چیقان غزته لرسفیرک بویه برنوطه ویرمدیکی ، فقط صوفیه مصلحتکدارمنه بلغار حکومتی طرفندن بالقان حکومتلری نامنه بویه بر نوطه ویرلدیکی بیلدیرلیور . خلاصه بوکون هر کس سه وییور . چونکه قره طاغ حدودندن مظفریت خبرلری کلیور ، دول معظمه یه عثمانی لک شان و شرفیله متناسب بر جواب ویریور . ذات شاهانه کرک قرارگاهی تشریقلری ، کرک استاسیونده میدان غزایه کیدن عسکرلری تشجیع ایتله لرله ملته امیدلر ویریور واک نهایت بکله نیلن شی کسب وضوح ایدیور : بلغاره محاربه ... ذاتاً بوکون محاربه خصوصنده اک احتیاط واعتدال ایلله بیان فکر ایدن غزته لرده « آرتق ایسترسه حرب اولسون » دیه یازیورلر ایدی .

### ۲ نسرین ، صالی :

بوکون غزته لر متحداللسان اوله رق باب عالی نك ماهرانه اجرا ایتش اولدیغنی سیاستک مدیحه خوانیدرلر . اوت بوتون نماینلر واستعجالره قارشو باب عالی متانتی محافظه ایتش ، آراده اون کون قرانمش ، میدان حربده کی وضعیتی دشمنلرمزک باغیرینی دله جک صورتده تبدیل ایتش ، افکار عمومی عالمده بالقان حکومتچکلرینک مقصدی اصلاحات اولمادیغنی رعنا کوسترمکله عثمانیلیرک حق اولدقلرینی اثبات ایلشدر . دول معظمه نك مشترک نوطه سی ، باب عالی نك اوکا ویردیکی جوابی ، بلغار حکومتک مصلحتکدارمنه ویردیکی نوطه - که بوکونکی غزته لرده نشر ایدلشلردر - هپ بونی کوستریور . ( بو وثائق تاریخیه قسم مخصوصم زده مندرجدر . ) باب عالی نك بوحسن اداره سیاستندن هر کس متشکر بولونیور ... حتی « جنین = طنین » ده راضی ومتشکر !

بوکون حربیه نظارتی قره طاغ حدودی محارباتنه عائد ایکنجی تبلیغ رسمیسینی غزته لره ویریور . محارباتک بک قهرمانانه وخونریزانه اولدیغنی آکلشیلیر . بزمکیلر قره طاغ داخنده ابراز بسالت ایدیورلر . غیور ضابطلرمزدن بیکباشی صلاح الدین وکال بکلره قوماندان سعدالدین بکک شهید اولمالری غازیلرمزده برحس رقابت ، عینی زمانده بر عزم انتقام وجلادت تولید ایدیور .

صرب حدودنده چته لرله مصادمات دوام ایدیور وموققیتهک دائماً عساکر من طرفنده اولدیغنی خبرلری کلیور .

یونان سفیری طرفندن باب عالی یه توقیف اولونان یونان کیلرینک ۴۸ ساعت طرفنده تخلیه طلبنه دائر برنوطه ویریور .

بوکون یه فوق العاده اوله رق هیئت وکلا باب عالیده اجتماع ایلله بالقان حکومتلری طرفندن سفارات عثمانیه یه مشترکاً تبلیغ ایدیلان نوطه یه قارشو حکومت عثمانیه نك اخذ ایده جکی وضعیت حقنده مذاکره ایدیورلر ، نوطه مندرجانتک کستاخانه اولدیغنی نظره آله رق بویه برنوطه یه جواب ویرمه یی حکومت عثمانیه نك شرف وحیثیتیه متناسب بولم یورلر . خارجییه ناظر ی طرفندن اوچ بالقان دولتر ی نزدنده اولان سفرا منزه تلغراف کشیده ایدیلره رک مناسبات سیاسییه نك انقطاعیه عودت ایللری تبلیغ ایدیلیر .

تحت توقیفده اولان یونان کیلرینک تخلیه ایدلمه سنی طلب ایدن یونان

نوطه سینه جواب ویرلیه جکی تحت قراره آلتیور . آتنده کزید مبعوثلرینک یونان مجلس مبعوثانته قبول اولونه لری خبری و یونان باش وکیلی «وه نیزه لوس» ک «بوندن صوکره یونان ایله کرینک یالکز بر مجلس مبعوثانی اوله جغنی» اعلان ایتدیکنی تلغرافلر اشعار ایدیور .

### ۳ شریبه اول ، جبرار شیم :

بوگون انقطاع مناسبات غرتله لرله اعلان ایدیلجه هر کس آرتق بالقان احوالک کسب وضوح ایتدیکندن ، آقشامه ، صباحه رسماً اعلان حرب ایدیلجه جکندن امین کورینور . یالکز غرتله لر ، تهن بلغارلر تشبث حربجویانه لرنده تأخیر کوستریورلر ؟

دیه اها لیمزله برابر مراق ایدیورلر هر کسه اوله . کلیورکه بلغارستان سفر برلکنی لزومی درجه سنده ییتره مه مشدر . مع مافیه حربک محقق اولدینی آرتق وارسته شک در .

عجبا محاربه یالکز بالقانلره منحصر قاله جقمی ؟ افکار عمومی بی ایشته بونقطه مراقندیریور . روسیه تحشیداتندن ، آوستریا حاضرلقلرندن هر کس بر معنا چیقارمق ایسته یور . بالقان محارباتی نتیجه سنده بر روس - آوستریا محاربه سی می اوله جق ، یا خود هر درلو مسائل غامضه ده کندیلرینه عائد اولونجه بر طریق ائتلاف بولابیلن اوروپا دیپلوماتلری حربک اوروپا یه سرائیتی منع ایده جکلری دیه دوشونلریز ، محاربه باشلاسه بیله دیپلوماسیمزک عهده سنده بیوک و آغر بر وظیفه اولدینی تسلیم ایدیورلر . محاربه بی عسکر یاپه جق ، فقط دیپلوماتلر بیتره نکدر ، عسکرلر من قدر دیپلوماتلر ضرده ما هر اولمیدر ، دیه غرتله لر بیان فکر ایدیورلر .

قره طاغ و صرب حدودندن بو کونکی غرتله رده رسمی ویا غیر رسمی بر معلومات آلتامسی انتظاری موجب اولیور .

### هندستان :

#### منوسبلر مصالحی قبول ایتیمیه مظهر . — « شیخ مشایخ زوایا السنو .

سین احمد العیساوی « امضاسیله العلم غرتسه بنغازیدن چکیلن بر تلغرافده سید احمد الشریف حضرتلرینک ایتالیا قوماندانه کندیلرنده بولنان اسرایه مقابل اوراده کی اسراک ترک ایدلسنه دائر جاده بولندینی تکذیب ایله ، اراجیفدن عبارت اولدینی بیان ایتدکن صکره سید احمد الشریف حضرتلرینک شو سوزلری ده علاوه ایدیور :

« بو بزم ایچون ممکن دکدر ، زیرا بز چوق کره لر سنوسی منسوبلری جهاد وتشویق و دشمن بی امانز اولان ایتالیایی مملکتزدن دفع ایتک ایچون صوک نقطه یه قدر مجاهده ایده جکلری اعلان ایتدک . بز مصالحه یی ده قبول ایده میز ، هیمز شهید اولوبده برکشی قالسه ینه وطن عزیزمزدن برقرایش رک صلح ایله کیتمنه راضی اولمایه جقدر . بزاء علیه بونک خلافت اوله رق نشر اولنان شیرک هپنی ایتالیانلر طرفندن ترشح ایدن برطاقم اراجیفدن اولق اوزره تلقی ایتلیدر . »

### افغانستان :

#### افغانستانه اردو مندره ریمناستیک . — افغان دولت اسلامی سی عسا کر

نظامیه سنک احراز ایتدکلری مهارت عسکریه بی اخوان دینه کوسترمک وعینی زمانده تربیه و ایام و اطفال فقرا ایچون براغانه طویلامق مقصدیه مخصوص برداثره داخلنده عسکرک ژیمناستیک او یونلری اجرا ایتیمه سی واهالینک معین برپاره مقابلنده کلوبده ژیمناستیک تماشا ایتله لر ایچون امیر حضرتلرینه مخصوص براستدعا ویردکلرینی واشبو استدعالرک امیر حضرتلری طرفندن تقدیر و تصویب اولونه رق تطبیق ایدلیدیکی (سراج الاخبار) غرتسه سنده کورولمشدر .

### روسیا :

#### انتخابات واسلاملر . — بو کونلرده روسیا دوردنچی دوما انتخاباتیه

مشغولدر . حکومت اوچنچی دوماده آز چوق حکومته مخالفت ایتش اولان سابق مبعوثلری تکرار دومایه انتخاب ایتدیرمه مک ایچون درلو درلو وسائل ایله چالش مقده در . از جمله قانوناً حق انتخابدن محروم ایتدیرمک مقصدیه مشهور اوچنچی دوما اسلام مبعوثلرندن مقصودوفک ، لیاقت مالیه یی حائر دکل دیه ، اسمنی منتخبیلر لیسته سندن طی ایتدیرمشدر . فقط اهالی اسلامیه اشبو قراره رعماً ینه ده موی الیه مقصودوفی منتخب ثانی اوله رق انتخاب ایتکله حکومتک اشبو قرارینی نظر اعتباره آلتامشدر . موی الیه مقصودوفک بو صورتله تکرار مبعوث انتخاب اولنمی قبول ویا رد اولونه جنی مسئله سنک ده دوماده حل ایدیلجه جکی امید اولونمده در . مقصودوف اوچنچی دوماده مسلمان فرقه سنک ریاستی احراز ، وروسیا اسلاملری منافعتک مدافعه سی یولنده ایراد بو یوردقلری حیثکارانه نطقلریله کسب تمیز ایتش دکلری ذکاردندر .

### بخارا :

#### بخارا اسلاملرینک مرهم بر تشبث تجاریسی . — بخارا اسلام تجارتلرندن

برهیئت بخاراده الکتریک فابریقه سی تأسیس ایتک اوزره بر شرکت اسلامیه تأسیس ایتشدر . شوالک اون بشنده انعقاد ایدن شرکا اجتماعنده سرمایه اساسی اوله رق (۲۰۰,۰۰۰) روبله (۲۴,۰۰۰) لیرای عثمانی طویلانمش . بومبلغ مذکور فابریقه یی تأسیسه کافی اوله جق درجه ده در . علاوه اوله رق (۱۰۰,۰۰۰) روبله (۱۲,۰۰۰) لیرا دخی احتیاط سرمایه سی طویلانمش مقده در . یوقاریده کی تشبث تجاری یی تبشیر ایدن « بخارای شریف » رفیقمن ، آوروپا ارباب ثروتک مؤسسات اقتصادی و تجاریه سایه سنده نه کی ترقیساته نائل اولدقلرینی قید ایتدکن صوکره بخارا اسلام تجارتانی شایان تبریک ، تشبثلرینی بر نحوه امتثال بولیور . اجانبک اسیر اقتصادیسی بولندیمنز بویه برزمانده اسلاملر پیننده ظهوره کلن فعالیت اقتصادی یی ترقیات اسلامیه نامنه آلفیشلایان (سبیل الرشاد) دخی بخارا الکتریک شرکت اسلامیه سنی ازجان ودل تبریک و بونی بخارا اسلاملرینک بر اثر انتباهی تلقی ایدر .

### ایران :

#### بار محمد خانک مغلوبیتی . — اخیراً سالارالدوله یی التحاق ایدن

وبوالتحاق ایران احرارنجه مسلک مشروطیتدن ارتداد کی تلقی ایدیلن یار محمد خان و یاراننک ، گرمانشاه جوارنده متحشد شاهزاده فرمانفرمانک تحت قومانداسنده اولان حکومت عسا کر یله سالارالدوله نامنه حرب ایتدکلری و حکومت عسا کرینک مظفرقیله نتیجه ان بو محاربه ده بویوک بر مغلوبیته اوغرا دقلری ، یار محمد خانک ده قتل ایدلیدیکی ایران سفارتخانه سنده کشیده اولونان بر تلغرافدن آکلاشیل مقده در .

#### اردو مجلسک کشادینی ایستبرور . — سالارالدوله و یار محمد خان تعقیبه

مأمور اولان دولت عسا کری نامنه کرمانشاهدن کشیده اولونان بر تلغرافده ارمنیلر ، بختیاریلر ، نظامیلر و مجاهدلردن عبارت اولان ضابطان ورؤسانی حکومتک ویردیکی وعدینک ایضا اولونماسی و برآن اول مجلسک کشادینی ایسته مشلردر .

#### طهرانه مقرراتنی لومروده ده بکلمه یور . — صوک پوسته ایله کلن

طهران غرتسه سی (آفتاب) ک باش مقاله لری (بالمورال) ملاقاتنه حصار ایدلش . مذکور ملاقاتده نائب السلطنه ناصرالملک حضرتلریله ، ایران پارس سفیری و معارف ناظری ممتاز السلطنه نک دخی حاضر اولدقلرینی یازدقدن صوکره ، احتمال که ایرانک بوا یکی « ممتاز دیپلوماتی » (سیر ایدوواروغره یی) ایله (سازانوف) ی ایران منافی واستقلال خصوصنده ده امنیت بخش برقرار اتخا ذینه اقتاع ایده بیله جکلرینی یأس آلود برامیدله بیان ایتکده در . بومقاله لری اوقومق حزین ، ... حزین اولدینی قدرده عبرت انکیزدر ...